

DEDICATORIA.

telliget etiam, quām varij & multiplices
sint vultus sudores, & quām infinitos labo-
res, sudores & calamitates, spe breuiuscum
& caducæ voluptatulæ cōsequendæ, homi-
nes sustineant, & quæ mala protoplasto-
rum apostasian & defectionem secuta sint.

Quantos quæso labores, sudores, nego-
cia & pericula gubernandi, & fræna impe-
rij tenendi ratio requirit? Vnus ædificat,
alter destruit. Octavianus adeò urbem Ro-
mam ornauit, vt esset in florētissimo statu;
Nero rursus vastauit. Pompeius ingentem
pecuniæ vim in ærarium publicum colle-
git, consulturus Reipub. Iulius Cæsar inde
compilauit, & fuit magis exitio Reipub.
ea pecunia, quām saluti. Nostra ètate Dux
Georgius Bauariæ habuit magnam vim
auri, turrim plenam auro, sed hoc concilia-
uit Duci bellū & toti Bauarię calamitatem.

Quanta pericula deinde sustinent Pa-
stores & Ecclesiarum Dei Præsides & An-
tistites? Vide Paulum organum & vasele-
stum Dei quid fecerit? quantum sudaue-
rit in tanta aduersariorum & spiritualium
antagonistarum multitudine, & quòd is
in ocio non vixerit, & voluptates non cu-
rauerit, sed semper cum hostibus, & Eccle-
siæ turbatoribus concertauerit: Epistole il-

A 4 lius